



Broj: 13-11-4-6879/24

Datum: 7.10.2024. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinski načelnik d o n o s i

ODLUKU o poništenju postupka javne nabavke

I

Poništava se postupak javne nabavke „Održavanje pješačkog mosta“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-6879/24 od 21.08.2024. godine.

Procijenjena vrijednost javne nabavke sa PDV-om je: 10.000,00 KM (slovima: deset hiljada i 00/100 konvertibilnih maraka).

Obavještenje o javnoj nabavci broj 935-1-3-177-3-264/24 objavljeno je na Portalu javnih nabavki dana 10.09.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

Iz Zapisnika sa otvaranja ponuda vidljivo je da je do dana 01.10.2024. godine, pristigla ponuda slijedećeg ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	FADŽ COMPANY d.o.o. Ilidža	9.974,25 KM

Nakon izvršenog otvaranja ponuda, Komisija za javne nabavke roba, radova je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponudu ponuđača FADŽ COMPANY d.o.o. Ilidža Komisija je ocijenila kao **neprihvatljiva** iz sljedećih razloga:

Tenderskom dokumentacijom u tački 7.4.1. a) kao dokaz ispunjavanja uslova tehničke i profesionalne sposobnosti ponuđača zahtijevana je 1 (jedna) potvrda o uspješnoj realizaciji ugovora, koja se odnosi na izvođenje građevinsko-zanatskih radova koji su obuhvatali sanaciju mostova.

Ponuđač FADŽ COMPANY d.o.o. Ilidža je u sklopu svoje ponude dostavio dvije potvrde o uspješnoj realizaciji ugovora i to kako slijedi:

- Potvrda o dobrom izvršenju radova, izdata od strane OPĆINE NOVO SARAJEVO, dana 28.02.2022. godine, a koja se odnosi na uspješnu realizaciju ugovora za izvođenje radova na održavanju i popravci sportskih ploha, pozornice, ograda, niša, sata, oglasnih ploča i dr.
- Potvrda o uspješno izvedenim radovima, izdata od strane OPĆINE NOVO SARAJEVO, dana 10.05.2024. godine, a koja se odnosi na uspješnu realizaciju ugovora za izvođenje radova na održavanju i popravci spomen obilježja.

Općina Novo Sarajevo, kao ugovorni organ, je jasno zahtijevala da ponuđači dostave potvrde uspješnoj realizaciji ugovora, a koje se odnosi na izvođenje građevinsko-zanatskih radova koji su obuhvatali sanaciju mostova. Ponuđač FADŽ COMPANY d.o.o. Ilidža je dostavio potvrde iz kojih nije vidljivo da su se uspješno realizovani ugovori odnosili na izvođenje građevinsko-zanatskih radova koji su obuhvatali sanaciju mostova.

Iz naprijed navedenih razloga, ponuda ponuđača FADŽ COMPANY d.o.o. Ilidža se nije mogla uzeti u dalje razmatranje.

Komisija za javnu nabavku roba, radova i usluga jednoglasno je predložila Općinskom načelniku da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:


Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVITI:

- FADŽ COMPANY d.o.o. Ilidža

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

